

啟禎兩朝剝復錄

啟禎兩朝剝復錄目錄

一卷

二卷

三卷

四卷

五卷

六卷

七卷

忠節死臣傳十五題存九傳遺六傳

八卷

北京察疏畧

九卷

南京察疏畧

十卷

點將錄

復社姓氏

崇禎二年先子創立復社繼起東林國表所載

啟禎兩朝剝復錄

同盟訂閱姓氏

袁繼成 臨庚

周 鑣 仲駟

張 溥 天邦

顧 杲 子方

楊廷樞 維斗

金 聲 正希

陳貞慧 定生

聞啟禎 子有

沈壽民 翁生

夏允彝 彝仲

梅之煥 惠連

黃淳耀 望生

張自烈 爾公

錢 禧 吉士

陳子龍 臥子

麻三衡 孟璣

張采 受先

方以智 密之

劉城 伯宗

艾南英 千子

閻爾旂 古古

陳名夏 百史

黃宗羲 太冲

沈士柱 崑銅

羅萬藻 文止

王都俞 在明

易道暹 職侯

戴重 敬夫

周立勳 勒尚

侯方域 南宗

萬時華 茂先

梅朗中 朗三

吳聞禮 太非

鄭元勳 趙宗

陸鳴時 夢明

梁以樟 公狄

嚴調御 印持

史可程 赤翁

徐世溥 巨源

袁師孔 則孔

曾異撰 弗人

揭重熙 萬年

譚元春 友夏

吳韓起 宣伯

姜 垓 梯生

王與齡 瑞里

黎遂球 美周

吳伯禱 讓伯

劉湘客 三生

韓如璜 炬命

韓 零

甫公

左國材

子厚

包爾庚

長明

趙自新

我完

吳 翽

扶九

李 楷

仲木

許元溥

孟宏

侯起會

雍瞻

孫 淳

孟模

馬世名

君閻

陳際泰

大士

蔣 臣

一个

王 漬

元偉

劉同升

孝則

楊文聰

龍友

朱 隗

雲子

姚元台

子雲

吳文英

子含

啟禎兩朝剝復錄一卷

貴池吳應箕纂

天啟四年

甲子

先敘降削後敘陞用凡書降削者多與璫忤陞
用者皆附璫者也在天啟時亦有附而遭斥者
可考事而知也在崇禎時有附而倖免者亦可
考事而知也武臣及內臣不書以不足書也

六月

察院左副都御史楊漣劾太監魏忠賢二十四大

罪

時舉朝交章論劾內閣俱有公揭雖蒙 旨切責然外廷多正人忠賢亦懼甚未敢遽肆也要之此爲消長之大機矣

工部屯田司郎中萬燦廷杖革職燦以杖死

時燦有用工甚緊權璫造意故違一疏得 旨陵

工費用浩繁內庫廢銅有幾局中何人見知萬燦輕信奏請前 旨已明今又借事瀆擾陷朕不孝且皇子薨逝便來賣貼好生狂悖無禮着錦衣衛

拿來午門前杖一百革了職爲民永不敘用其前後發過帑金并太僕寺助工銀共八十二萬此外用過銀錢各若干着查明開數具奏該衙門知道○此逆璫肆虐縉紳之始也蓋前之怒楊漣者實借此雪之以覘外廷云

七月

大學士葉向高回籍

先是楊漣劾二十四大罪疏出向高難之向高知璫怒不可犯意在誦護以免縉紳之禍後因御史

林汝弼以杖內臣脫逃致諸闕疑其匿葉所也圍其第而噪之于是決志去自向高公而諸君子相繼箠隕矣

野臣曰應山六月三日之疏何減逆瑾時之洪洞乎福清以三世元臣使持而爭之闕岌岌哉故無洛陽之痛哭而事有跡于長沙之委蛇于是來當時君子之反唇無怪也雖然福清度其時能去闕乎不能而智籠之未爲非計計不就而去去而禍作遂如汗不可反論者于是又謂

福清在當不至是嗚呼其至是者天也雖福清如之何哉

刑科給事中傅樾與御史房可壯辨訐

樾發難端糾汪文言以及左光斗魏大中而房可壯糾樾通內謂其認東廠傅繼教爲兄于是樾疏辨訐謂大中攘奪阮大鍼吏科都給事之缺給事甄淑沈惟炳等謂大中實繇序轉原非巧奪樾亦再三揭辨然時樾已丁艱一月矣猶住長安屢疏不去爲士論所鄙○此外是附內之始縉紳之禍

以是爲伏戎矣

十月

閣臣魏廣微失儀被糾

廣微以認宗通內自稱爲姪遂怙勢偃蹇會初一日頒曆不到又廟享行禮來遲于是諸給事御史魏大中許譽卿李應昇等合糾之廣微因益走內思得而甘心焉蓋先是忠賢雖橫猶憚外廷也自廣微合而閣遂借外廷以攻外焚原之勢于是乎不可復弼矣

河南道御史崔呈秀被提具辯

呈秀巡鹽貪污都御史高攀龍因其回道考察卽
疏劾提問呈秀具疏辯有 旨從公勘奏趙南星

題覆勘明昭祝大身側問遣呈秀寤青衣小帽亟
走忠賢所請命時忠賢爲楊漣所參欲借外廷以
傾善類遂首言呈秀爲義子後因李恒茂薦起用
野臣曰閹難之作也彙挑于傅樞局發于廣微
而禍連于呈秀論者謂急而走險諸君子實與
有責焉若然則失儀可弗糾貪污可無問乎夫

梁谿林居數十載甫蒞任卽提問呈秀肅官箴
而存風憲非梁谿無是也且以貪鄙克惡之呈
秀卽微當日之劾而其人能自靖乎梁谿特不
幸以身罹禍迨觀丙丁以後事狀後知梁谿若
有先識而當時猶賴有此提問之快舉耳吾獨
怪論者不察往往以責備賢者之過至借逆辭
而助之攻也悲夫

吏科都給事魏大中吏部文選司員外夏嘉遇降謫
以會推山西巡撫謝應祥事也○應祥素有清望

家宰趙南星知之因推晉撫有御史陳九疇者廣
微親也廣微素憾南星藐已又以失儀被糾恨大
中等于于是嗾九疇論應祥之推爲師生報德益以
應祥曾令大中之邑故也又論應祥圖謀節鉞于
是大中疏辨夏嘉遇亦疏辨會推本末爭執不已
有旨大中欺朕冲幼把持會推以朝廷封疆爲
師生報德夏嘉遇陳九疇奏揭紛囂成何政體各
降三級調外任用你每部院大臣奉旨看議何
必含糊偏比委曲諛傳以蔽是着遵奉新諭一體

申飭如有傷風敗朋謀結黨滑亂國是的一併重處

吏部尚書趙南星左都御史高攀龍回籍

以會勘九疇事本有朋謀結黨之旨於是攀龍以失職請南星以年老辭俱奉旨切責回籍內閣

揭稱秉銓總憲俱繫大臣請准馳驛不聽○南星爲親廣徵文執見廣徵請附忠賢嘗歎曰見泉無見見泉名魏允貞字也廣徵嘗於廣座中詆李三才南星曰李公爲尊公執友後輩何敢爾故廣徵

衛之一日廣微過南星拒不禮廣微曰吾官尊小
可麾也於是與其黨謀因推晉撫事發難蓋借爲
一網之計云

吏科給事中沈惟炳降調

以申救魏大中趙南星也疏曰部堂據事處分乃
曰朋謀結黨七之一字小人所以禍人國也有
旨責其說黨字妄生猜疑降一敕諭外用

吏部考功司郎中鄒維璉回籍

維璉自求罷斥也初南星奏鄭三俊譏維璉才品

故自他部調用同鄉以不與聞遂有隙章允儒懷
良訓具疏相攻因起玄黃之端傳檄乘而操戈于
是禍胎成而至此矣或曰維璉欲以知府轉章陳
故爲所不容云

吏科給事中許譽卿降調

以會救越南星高攀龍也

十一月

吏部左侍郎陳于廷都察院左副都御史楊漣左僉
都御史左光斗削奪

以會推冢宰事也推者爲喬允升馮從吾汪應蛟
有旨吏部都察院混淆已久何乃此次會推仍
是趙南星擬用私人顯是陳于廷楊漣左光斗籍
制衆正抗旨徇情又會推職名都察院不全列
楊漣既親承諭旨作爲不知註籍躲閃又前與
高攀龍等會勘陳九疇事黨比不公了不引咎公
然欺朕冲幼眞老奸巨猾頭鈍無恥袁化中亦不
無扶同情弊陳于廷楊漣左光斗俱恣肆欺瞞大
不敬無人臣禮都着革了職爲民仍追奪楊漣左

光斗誥命

吏部文選司郎中張光前掌河南道御史袁化中降
調

以會推冢宰事引罪有 旨光前降三級化中降
一級俱調外任用時魏炤乘爲都科獨無恙

御史房可壯降調

以與聞會推事引罪有 旨降三級調外任用

戶科給事中陶崇道降調

以條陳引漢唐黨禍且有戒旁蹊等語也有 旨

降二級調外任用

戶科陳良訓降調

疏會推請遵祖制有 旨責其瀆擾降三級調外任用

登州府同知翟棟扭解來京究問

以毛文龍參之也此爲逮問之始

大學士韓爌回籍

初楊漣參忠賢二十四大罪朝臣遂羣起攻擊忠賢懼懇爌曰非公不能輯衆幸畱意爌曰我不能

孽自爾作爾自解之忠賢怒旣得志謀逐曠假以
票擬不當降諭切責曠遂上疏引罪求斥畧曰臣
以謏劣備員中書詰戎宜先營衛而觀兵肘腋無
能舒宵旰之憂忠直尙稽召還而榜掠朝堂無能
回雷霆之怒以至後先多官之斥 諭旨中出之
變在 聖明祇肅紀綱而中外懼興黨禍臣旣不
能先時浚忿有調劑之方又不能臨事挺持爲封
還之懇此皆罪狀之大且著者請亟褫臣官云云
疏入忠賢益惡之遂傳上旨曰卿親承顧命當矢

忠肅直乃歸其子士退有後言今復侍上求去者
馳驛回籍內閣上疏請如故事稍加禮貌無失待
大臣體不聽雖陸辭疏亦懇切後竟削奪捕家奴
究贓禍幾下則云

戶部侍郎孫承宗回籍

行邊總督孫承宗揭稱臣奉違天顏三年當此晉
天高時之日不勝瞻戀今閱歷薊邊去京數千里
擬于十二日入都門十三日早朝十四日與同官
恭賀萬壽另日面奏機宜與文武商確再言事畢

同旋轅者因此特陽之舉李邦華召之也忠督使
人急奏曰水已離榆關帶甲五千內外各軍欲
請其討賊臣等當主郊迎急傳兵部曰外軍聞原
既害重臣臣等明古之臣薊邊且以賊臣解為
名故臣等雖原中負擅離信地非關宗族受賄不
同也臣等直外之變關門有食卒之虞臣等調度
將軍嚴平臣部四遠馬上差人傳諭關防臣等
求其有親其何妨使互封進朕志以誠臣等必
不從中牽制承宗懼即日東歸邦華等亦不從其

聞者有定求歸元之時御史李藩有樞輔舉動可駭一疏引自古擁兵關外恐喝朝廷如王敦李懷光去來自如不遵朝命又謂樞輔此來人實召之云云

起陞徐大化孫杰等官

因御史呂鵬雲例轉告病有一旨近來例轉者然在籍各官多有爲人排斥的好生不公呂鵬雲不准告病并徐大化孫杰著都陞京堂用給事中霍維華王志道郭興治御史徐景濂賈繼春楊維垣

俱着起復原官催來到任

野臣曰大化殺人毒手通天老猾楊維垣諸
疏皆其主筆維華維垣擾亂乾坤後璫敗復
借題護局最爲奸人之雄

大學士朱國禎回籍

國禎著勇輒小品因敘張差事云坐以風癩而止
猶人以其別調時因李蕃參論引疾允之忠賢等
人因此老頭已老抑人然卻不作惡事故較諸
公相恩禮獨優

原任吏部郎中鄒維璉員外夏嘉遇主事程國祥御史王允成俱削秩

張訥誣譖趙南星叅其十罪因連允成等有 旨
奪銓臣罪狀欺天罔人深可痛恨其引用私黨匪
人着張訥逐一指名回奏南御史王允成無端受
改北道惡網何在鄒維璉夏嘉遇程國祥調部亦
壞成規俱着爲民當差有司不得情庇

保定巡撫程正巳回籍

正巳掌癸亥察時元詩教趙興邦官應震吳嗣亮

號四凶俱處以不謹吏都魏應嘉爭之不聽至是
盡翻察典正已因爲所逐

應天巡撫周起元削奪

以參屬官朱童蒙也初童蒙以講學劾鄒元標等
例轉爲蘇松道在任多不法起元因其以養病得
京堂具疏參奏時織監李實以楊姜事屢疏劾起
元護庇屬官給事中李魯生復攻之急而巡漕御
史喻思恂又飛書長安言其可殺人甚危之有
旨周起元護庇楊姜今又誣論朱童蒙排陷正人

姑着爲讞追奪誥命

刑部尙書喬允升兵部侍郎孫居相同籍

左通政涂一榛准養病去

原任典簿許念敬緹騎逮治潘一鳳周卿王鍾麗趙
洪陽俱撫按提問史記事李炳恭賀烺丁元薦沈應
奎毛士龍俱削秩李邦華吳爾成王元翰俱閒任
相魏大中施天德俱聽勘張經邦革任閒任

以張訥回奏所參也訥首誣太宰并摧諸正人如
拉朽此真逆豎之先鋒矣

戶部侍郎鄭三俊回籍

時有語曰趙高旣放楊左同襁猶存八勁號曰趙錢孫李周吳鄭王指趙健錢春孫居相李邦華周起元吳仁度鄭三俊王之案也

翰林院侍讀繆鼎開任

楊漣二十四罪疏或曰終爲具艸故瑞樹之告病遂得閒任

十二月

題授中書舍人魏良卿

此逆豎授官之始

起陞例轉朱童蒙郭允厚李春燁等官

起徐兆魁爲吏部左侍郎

陪兆魁者爲薛貞

崔呈秀回道管事

呈秀提問擬戍禮科李恒茂題京畿虧苦兩端事
言御史崔呈秀受銀放盜爲假知縣石三畏賍私
狼籍爲証有 旨呈秀事情顯繁証確不必行勘
着回道管事知縣石三畏暫擬部銜仍候考選其

薦王今聽降御史陳九疇即准陞京堂用

以李宗延爲都御史

時會推吏部尚書宗延爲首王永光趙彥鍾羽正

崔景榮李起元王在晉陳道亨奉旨景榮起吏

部尚書宗延改都御史○宗延初任御史以建言

謫天下賢之晚節潦倒遂入瑄幕

以喬應甲爲副都御史王紹徽爲僉都御史

應甲一月上十三疏皆攻東林而晉淮撫李三才

者紹徽亦陰驚敢恃公論曾作東林點將錄以傾

陷善類故其黨推爲盟主○時陪應甲者爲薛鳳翔陪檄者爲朱欽相

徐紹吉准遇缺推用

以顧其仁薦之也

楊述中不必行勘卽陞京堂用

述中以大方敗績言官交章論其妬功賣友聽勘有疏自陳遂得中旨○述中先已加兵部尙書矣又何以京堂爲

以黃克纘爲工部尙書

陪克纘者李養正也克纘附附內監劉朝誣叅毛士龍實爲乾兒義子作僞後逆案處分竟得漏網以周應秋爲南京刑部侍郎

陪應秋者徐紹吉也

以郭尙友爲保定巡撫

陪尙友者魏濟也○初尙友賄營山西巡撫趙南星不用推謝應祥陳九疇攻應祥而尙友竟得保定蓋以嚮南星故俾報復之耳尙友果與巡按馬逢臯訛南星事備極慘毒至責其子中書趙清衡

甥王鍾龍二十板幾整候下并知府蔡官治推官
許世蕙極力護持趙氏無遺氣矣迨舉南星例推
者也

以張樸爲大同巡撫

陪樸者張修德也樸庸鄙無奇有弟張訥首應瑞
募力詆趙南星等數十人具疏之次日即以節鉞
授樸亡故貪婪察處之臬臣也

許弘綱唐世濟何喬遠毛堪呂純如錢策張維樸曾
道唯彭宗孟熊化汪慶百王業浩俱准次第擢用

以陳熙昌薦之也

阮大鍼陳胤叢陳爾翼張養素李應薦李嵩楊春茂
高弘圖王大年張捷馬逢舉俱准卽與推用

以李魯生薦之也時陞用多取 中吉魯生疏稱
執中建中吉不從中出而誰由哉以爲逆璫解嘲
自此而內批愈無忌矣後張錫命亦有疏專薦大
鍼

時爲魏忠賢主筆者數人世傳趙鳴陽而不知有
毛昂霄也毛爲汶上舉人而郭萬程曾受業其門

當楊人之速也郭私爲營救于內忠賢意亦將釋而傳應星毛却霄力沮之且有放虎自噬之語故諸君子卒不聽而郭亦懼禍潛逃其一切諭旨自內出者多毛筆毛竟漏網無論及者○郭又言毛寓在外嘗見其攜本至外寓示人此何世界哉

原任重慶府推官王建泰汾陽知縣張九賢俱准陞部屬用

魯生爲朱童蒙幼周起元薦阮大鍼因言建泰九賢以無罪被處也

啟禎兩朝剝復錄二卷

貴池吳應箕纂

天啟五年 乙丑

正月

南京吏部郎中王象春削奪

以陳維新發之也維新疏薦許弘綱王永光徐紹
吉等而劾象春辣手兇鋒狠心虎吻

工部侍郎吳仁度回籍

原任太僕寺少卿起陞左通政劉宗周削奪

宗周有辭官疏奉 旨劉宗周覩見朝廷矯情

世好生放恣着革了職爲民當差仍追奪誥命

任吏部侍郎曹于汴在籍調理

改中書作忠祠

李應生先有疏書院改作公解今又疏書院改

忠祠

禮部侍郎何如寵着冠帶閒任

都御史喬應中疏翻京察

言辛亥丁巳京察不公大抵盛詆李三才而

紹吉又欲將江南所刻私記小說下撫按搜求以馬六疋馳進會議成書以付史館其爲可笑如此

二月

南京兵部尚書陳道亨回籍

簡討丁軋學方逢年顧錫時吏科郝土膏禮科章允儒兵科董承業戶科熊奮渭主事李繼貞俱降調舉人謝錫賢等俱罰科

以試錄策問觸忌也 聖諭朕覽各省試錄有湖廣江西山東福建策問內措語粗狂任情恣肆兼

有詆毀朝政譏刺朕躬逞詭譎之詞是非任其顛
倒縱雖黃之口誣鱗罔所顧忌皆因彼時大臣招
權納賄主持于中故各省考官願指占風附會于
外朕思遼疆未復黔省未寧正君臣勵精求治之
時亦士子據忠吐款之日舍實政而弗詢徒覓人
之是悅壞作人之盛典失祖宗之美意好生可恨
難以姑容傳諭吏部卽將正副考官八人都著降
三級調外任用聊存解網之仁用作維新之路故
諭

巡按山東御史魏光緒降調

以條陳山東善後事宜內薦知縣郭人吉也光緒降三級調外任用人吉削籍

巡按南贛李成名回籍

以李養正爲刑部尙書

養正巡按河南有聲迨爲司寇煅煉楊左一案得罪公論後戊辰年王永光爲冢宰以南刑部起之言官力攻不果用

何熊祥准遇南北大案候用申用懇准遇逢撫缺用

朱一桂陸卿榮王伉秦聚奎汪慶百徐揚先郭華劉
廷宣邵輔忠姚宗文范得志俱准原官起用舉人
童學賢准會試

以徐大化薦之也疏內并及李魯生所薦阮大鍼
等十一人陳熙昌所薦許弘綱等十二人陳維新
所薦王永光等六人又爲霍維華孫杰等勸駕
吏部文選司員外孫必顯降調回籍

原任南京吏部尙書余懋衡准在籍調理

御史劉廷佐降調

以申救考官舉人也有 旨責其爲黨

徐景濂徐卿伯徐揚先汪慶百等俱作速催補來到任

以揚維垣薦之也

原任長史石三畏原任知縣熊江別如綸俱准考選
崔呈秀疏薦張鶴鳴申用懋王永光許弘綱商周
祚等又言石三畏枉遭擯斥熊江別如綸皆英才
卓品以惡忤詩教而波及江以惡阮大鍼而外轉
如綸云

刑部侍王之寀革職爲民當差

楊維垣首翻梃擊一案疏言張差風癲之眞卽碎之寀之骨不足贖其罪且謂李可灼特不幸之之寀而之寀特偶幸之李可灼此疏最爲悖妄蓋翻案之作俑云

宣府巡撫徐良彥降調

以崔呈秀叅之有 旨降三級調外任用

令京堂自陳請 旨公畱

以崔呈秀條陳也時逆豎蓄謀叵測故呈秀畫此

策爲一網之計而善類如掃矣

總理河道尙書朱光祚回籍

附馬都尉李承恩着領撫打問

以繫忠實誣之也此爲領撫打問之始故書之

原任南京光祿寺卿周汝登致仕

以毛一鷺爲應天巡撫

一鷺在蘇州特約職監李實同謀害正實隨誣奏
高攀龍周起元周順昌黃尊素李應昇周宗建繆
昌期俱被逮問經時至蘇州爲民所擊一鷺疏挑

璫怒復殺倡義五人或曰鷺在家居廳上忽見有
索命者遂病至死蜎縮纔如小兒蓋陰力誅之也
○一鷺巡撫時或夜粘對聯于軍門鼓上曰拔一
毛一毛不肯殺一鷺一路太平

岳和聲劉繩祖余文縉優敘

以崔呈秀薦之也疏內並薦袁化中以元克之門
生故吏叅論三臣有 旨和聲等優敘袁化中已
有旨處分了○和聲撫順天魏忠賢呼爲岳三哥
着他在我家來做官

三月

御史周宗建張慎言俱削奪仍行撫按提問追贓具
奏御史黃尊素李應昇俱削奪叅政沈萃禎知縣吳
煥俱降三級御史安伸以原官起用

以曹欽程叅之也欽程疏大畧謂宗建慎言尊素
應昇甘作越南星之鷹犬爲魏大中之爪牙吳煥
素附東林萃禎神通速化又稱群臣之中披肝瀝
膽無慚傅魁之骨鯁者僅有陳九疇李魯生張訥
李蕃周昌晉李恒茂梁夢環張惟一顧其仁數臣

而已奉 旨這本說的是周宗建作令賄聞反鑽
入言路薦庇多私引其黨沈萃禎以貪儉贓致衆
藩又欲引吳煥爲接手至倡建私學于都城之內
尤屬不法愼言係薦趙南星爲首功避差任意鵬
張同臺安伸竟遭毒手先任曹縣侵盜庫銀三千
兩恨後任石三畏查出遂捏單劣處王官李應昇
專爲東林護法排擠正人亟引高攀龍以四年前
一典史驟躋總憲遂恃與援欲攘北直提學黃尊
素以汪文言倖冒台班卽薦座師鄒維璉于趙南

星破例得入吏部一味搏擊善類以助高攀龍魏
大中之虐燭此四臣者招權納賄黨邪徇私目無
國憲都着革了職爲民當差仍追奪誥命內周宗
建張愼言賍私狼籍行彼處撫按提問追賍具奏
不許庇護沈萃禎吳煥俱着降三級安伸仍以原
官起用

欽程殺人甚多璫晁暱愛後恃寵放恣璫復惡之
及被劾斥歸詣璫叩頭抱膝痛哭曰願無忘父子
誼璫雖憐之而卒不復收

野臣曰豫章理學節義之鄉卽有異類未有敢
蒙面喪心狂瞞不顧如欽程是舉之甚者也東
南縉紳之禍始于傅樾成于欽程西江殆不幸
有此二人哉時欽程號爲五狗之一後欽程鄉
赴西曹或見其形變爲猪然而跡其所爲則又
狗環不食其餘者矣

原任巡撫鄧公際調何棟如緹騎逮問
以給事楊時學之也

御史劉燾黃公輔涂世業萬言揚知縣盧化鰲俱削

奪

以霍維華奏之也

御史喬承詔銷華解經邦降調

尙寶司鄭姜志禮加太常卿致仕

戶部侍郎陳所學加尙書致仕

太僕寺卿黃龍光自陳致仕

原任諭德張鶴削奪

內閣推補纂修實錄姓名有張鶴名奉 旨革職

爲民追奪誥命

巡撫甘肅李若星削奪

以許顯純打問汪文言扳誣也

御史游士任縱騎違關禁江都御史熊明遇革職聽
勘

以薛國觀奏明遇肅赦士任也

太常寺卿侯執蒲自陳致仕

魏廣微謂其爲東林尖也

太常寺卿黃士琦陳啟南自陳致仕

以何熊祥爲南京吏部尚書

陪熊祥者王在晉也

以王永光爲南京兵部尙書

陪永光者張鶴鳴也

以文球爲戎政侍郎

陪球者徐紹吉也

以薛貞爲刑部侍郎

以董可威爲工部添註侍郎

陪可威者胡世賞也

以唐世濟爲刑部右侍郎

世濟素有清望崇禎八年以薦逆案竄竄革而敗
以申用懋爲順天巡撫

陪用懋者張至發也至發終逆璫之罪不肯出
以張曉爲宣府巡撫

陪曉者王家禎也二人後俱領璫

范濟世岳駿聲俞維宇俱准原官起用

以王大年薦之也

以王惟儉爲南京兵部侍郎

陪惟儉者朱一桂也

以傅振商爲南贛巡撫

陪振商者范濟世也振商曾有頌堦疏

以閔夢得爲偏沅巡撫

陪夢得者張九德也

以魏濬爲湖廣巡撫

四月

原任尙書趙南星等俱劾秩提問

以許顯純打問汪文言許念敬扳誣之也有

言

楊鶴熊廷弼旣失封疆又公行賄賂以希倖脫楊

逮左光斗袁化中魏大中周朝瑞顧大章俱着錦
衣衛差的當官旗扭解來京同汪文言一併究問
追贓其本內受贓各官趙南星等十五人除已經
削籍外俱削了籍着撫按提問追贓具奏不許徇
情該部知道○汪文言招出 趙南星 鄧 漢
毛士龍 王之朱 李若星 鄒惟璉 惠世揚
繆昌期 施天德 黃龍光 徐良彥 錢士晉
熊明遇 黃正賓 盧化鰲 許念敬招出
傅淑訓 盛世承 逆黨欲殺諸臣而無贓故捏

出封疆一案

浙江巡撫王洽開任

以李應公奏之也

甘肅巡撫宋槃致仕回籍

以袁鯨奏之也

光祿寺丞吳良輔回籍

通政彭端吾自陳致仕

監生楊惟休革去衣巾泰昌日錄扳毀王之案治罪
以霍維華論之也維華有三朝慈孝無間一代實

錄當確謹剖邪黨誣蠱之實以備信史事疏詞近
數千言大畧謂東林標門戶之幟聖世見玄黃之
戰借題污蠱宮庭虧損聖德云云奉 旨本內說
張差風癲逼真至于移宮進藥情形尤朕所目誦
劉一燝黨邪害正韓爌庇護元克孫慎行借題修
怨張問達周嘉謨私改旨意朋比爲奸本當削籍
念係輔弼股肱之臣姑不深究孫慎行暨監生楊
惟休私刻板行著撫按追去立毀惟休革去衣巾
仍將此本宣付史館從實紀載其修成皇考實錄

另行改正王之案誣陷騙官併楊漣左光斗逮至
追駐一體治罪范濟世王志道汪慶百劉廷元徐
景濂郭如楚張捷當狂瀾改卽倒之時有挺持不移
之節濟世候巡撫缺用志道等六員升太常太僕
少卿添註用唐嗣美岳駿聲曾道唯守正致排嗣
美候起服仍以左布政用駿聲二員卽與推用李
可灼免戍回籍○後丁卯楊維垣倡發訪之議以
引邪沮正可灼得列名冊內而孫慎行不與

野臣曰此伏三朝要典之根也蘄中朋黨後宮

巧脫大逆且欲治劉一燝等之罪其言譎張恃
惡敢于殺人維華之罪通天矣

初維華以給事例轉奏臬外艱家居楊左正在事
維華屢使家僕吳興東奏記魏璫謀令翻局楊左
罷維華起用以審工部商人失璫意移疾歸崔呈
秀吳淳夫既柄用薦之復起維華之內有爲璫甥
孫者刺因稱愚孫甥婿天下笑之七年八月見璫
局將敗持公封讓子廕趨時轉局若猛獸驚鳥之
發雖維垣猶不及也

以孟紹虞爲禮部尙書

左庶子葉燦光祿寺卿錢春按察使張光緒緒俱削奪
以門克新叅之也因論熊廷弼而及之

原任兵部侍郎劉日梧在籍調理

南太僕寺卿徐夢麟閒住

以盧承欽叅之也時并叅孫居相居相已處夢麟
閒住

原任吏科都給事中劉弘化削奪南太僕寺少卿吳
炯致仕

以石三畏參之也

大理寺少卿方大任在籍調理

總督兩廣何士晉削奪

以虞廷陞參之也有 旨養馬當差

錦衣衛指揮趙昌胤太僕寺少卿劉惟忠俱革職

原任吏部尙書張問達姑著冠帶閒任周嘉謨削奪
以周維持參之也

原任大學士劉一燝削奪

以葉有聲參之也

原任左都御史高攀龍削奪

以游鳳翔叅之也攀龍被逮沉淵鳳翔蓋造意殺之者

兵科給事中杜三策同籍

原任御史方震孺削奪仍着緹騎逮治

以郭興治叅之也謂其黨護熊廷弼失陷封疆

原任兵部郎中方孔炤削奪

以顧宗孟叅之也有旨養馬當差宗孟蓋吳門

之別調矣

御史潘汝禎卽與推用

以李應薦之也疏薦汝禎而劾顧大章

以徐紹吉爲郎侍郎

陪紹吉者蘇茂相也茂相先爲建撫丁憂歸薦方
面有司各官趙南星爲總憲駁之曰茂相草土中
猶作駢麗語聞謝薦之禮或百或千意在斯乎識
者傳而笑之

以王之臣爲薊遼總督

陪之臣喻安性也

陪家顧者王城也

以尹同舉爲四川巡撫

同舉與魏廣微同窗又與馮銓同門山右正人棄
之戊辰爲御史汪應元劾歸服未闋復受祿錦衣
張道濟爲王承光起兩廣總督

以呂純如爲山東巡撫

陪統部者潘濬也

以王之承爲兵部侍郎

北北直人又一之禾也

以范濟世爲南保江會都鹽使

濟世在南保江搜括助運不遺餘力

以王賊爲會都巡撫貴州

阮大鍼准起兵索余大威准起職方司郎中

以葉有聲薦之起兵補大威曾發一環私書故一

環得寶

上策浩准復原官

以薛廷光起兵也

五月

原任刑部侍郎王之案撫按追贓充餉

以岳駿聲叅之也駿聲爲挺擊一案頗寃其言悖
逆之極

太常寺卿程註削奪

以王時英叅之也叅其黨趙南星李三才而傾陷
吳殿邦得旨削籍爲民養馬當差追奪誥命
少詹錢謙益兵部主事沈正宗俱削奪

以陳以瑞叅之也以瑞以科場關節叅謙益崇禎

元年謙益竟以此爲溫體仁所持踉蹌去國
大理寺少卿韋蕃同籍

蕃以龍陽詆馮銓故潘士聞參之上聞銓門生也
兵部尚書趙彥同籍總兵蕭如薰革任

以玄默參之也如薰爲李三才親家故不免
尚寶少卿馮鳴鸞陳所聞俱降調

以莊謙參之也

御史王荆養喬工部主事惠承芳俱閒住
以黃承吳參之承芳惠世揚之父也

禮部尚書翁正春回籍

以袁鯨泰之也

刑部侍郎饒伸終養

南京太常寺卿陳幼學致仕

以杜齊芳泰之也

太常寺少卿等官甄淑削奪張光房閒住

禮部尚書王圖閒住

以程序泰之也謂其爲門戶渠魁

兵部主事段然削奪

以揚文岳乘之也

部侍郎徐光啟閒任原任吏部員外馮時來削奪
以賀賀鋌泰之也

部尚書白所知回籍

姚祥端耶存性俱復原官

以黃承昊薦之也存性作令以貪橫被察者

以喬應甲爲副都御史巡撫陝西

五

王紹徽素恨馮從吾以應甲撫陝欲其殺從吾也
從吾爲應甲所挫辱鬱七而死應甲并誣前撫孫

居相賍私問道○應甲撫挾貪彼非人類其黨復
倒戈攻之

以薛貞爲刑部右侍郎斬于中爲添註右侍郎
二人俱以內批得之

以高第爲兵部尙書

內意屬第故屢推得之

六月

光祿寺卿等官周延光蔡夢麟俱分別議處
以陳睿謨叅之也

太僕寺卿孟習孔趙健俱閒任

以卓邁叅之也

巡撫直隸御史宋師襄降調

以地方人材薦盛以弘也

府丞陳一元革任

以余文燭叅之也并叅葉向高欲行削奪

巡撫延綏翟鳳冲革職聽勘

以汪若極叅之也

禮部尚書蕭雲舉回籍

原任給事麻億章職聽勘

以陳世倌參之也

兵部侍郎張鳳翔削奪并削子賡

以陳朝輔參之也

太僕寺少卿漢中王自陳致仕

廣東巡按胡良機削奪

大學士朱廷禔回籍

簡討姚希孟削奪南京光祿寺卿游漢儒閒任

以楊所修參之也希孟後起用楊復有疏沮之

太僕寺卿金士衡同籍

以李燦然叅之也

御史李喬崙陳必謙叅政張國紳俱削奪李喬崙仍
追奪誥命

以潘士聞叅之也

叅政王維章削籍

以倪文煥叅之也

直隸高陽縣知縣唐紹堯緹騎逮治

以大監韓世能叅之也紹堯下法司追比先後責

一百八十板而下手者姚誠立也

巡撫鄖陽畢懋康原任禮部尙書李騰芳俱削奪
以王際遠叅之也

大理寺丞劉思誨兵科給事中胡永順俱降調
以申救唐紹堯事也

原任禮部尙書王圖巡撫保定程正巳光祿寺丞趙
昌運彭遵古俱削奪

以劉弘光叅之也

原任工部尙書朱光祚俱削奪

以田一甲叅之也一甲白陳得以京堂升用而叅
疏中盛言邵輔忠之忠李三才門戶之惡

吏部主事劉行義革職王任杰閒住

以周維持叅之也

總督倉廠侍郎畢懋良致仕

原任太僕寺卿陸彥章致仕

沈演候府尹用王雅量以原官起用

演在福建曾搜括庫銀十五萬助工

以胡世賞爲刑部右侍郎

陪世賞者杜士全也

以王紹徽爲副都御史

陪紹徽者薛鳳翔也

以張九德爲副都御史巡撫延綏

以郝名宦爲南京兵部左侍郎

陪名宦者杜士全也

以潘濬爲左僉都御史

陪濬者毛堪也終璫世未起

以唐世濟兵部右侍郎

以黃運泰爲戶部左侍郎兼右僉都御史督餉天津
奏陪運者史永安也

以李若珪爲右僉都御史撫治鄖陽

若珪一日換赤金千兩人謂其得巡撫亦不易矣
七月

原任左副都御史等官楊漣等着鎮撫司逐日追比
時閣臣魏廣微揭稱今日文書官傳上旨鎮撫
司打過楊漣等脏着臣票擬逐日嚴刑追比五日
一面奏完日送法司擬罪不勝驚愕臣自辦事閣

中實未見此旨念漣等今爲有罪之人在前日竊
爲聖明之佐卽贓私是真轉發刑部猶議減免之
條逐日嚴刑死直須臾耳忠賢怒之後于八月十
二日降 諭切責畧曰朕自去歲屏逐克邪廓清
朝宇勵精圖治雅意中興秉軸大臣莫有爲朕分
憂共念者卽如楊漣左光斗移官一事背先帝之
深恩陷朕躬于不孝又熊廷弼等喪遼辱國一案
寸斬尙有餘辜而楊漣左光斗等受其重賄巧爲
出脫此皆天地不容神人共憤而在朝文武持祿

妾交徇私避禍但顧子孫之計不圖社稷之安朕
方率循舊章而曰朝政日亂朕方祖述堯舜而曰
大不相侔以致言官承望風旨續口結舌無敢直
明其罪者今宜改過自新共繼國是敢有陰懷觀
望暗弄機關巧借題目代人報復或捏寫飛言希
圖劫案者朕按祖宗所立紅牌之律俱致以說
謊欺君之罪必不食言其楊漣等三人生爲貪婪
之賊臣死爲不忠之逆鬼今雖在獄身故而戕害
忠良惡類尙存候追駐先日明著爰書暴具罪狀

布告遠邇昭著史冊垂示將來以爲萬世人臣不
忠之戒云云○丙朝政日亂大不相侔者政引廣
微揭中語也論出廣微大懼挾同官顧秉謙曰向
者公將獲罪以我故得釋今公不引手請俟之鬼
門閤矣秉謙爲委曲調解廣微復出吏部尙書崔
景榮手札曰此景榮教我救楊漣等也忠賢意稍
解廣微得引疾景榮竟削奪

野臣曰使廣微卽以此揭獲罪已無救于附內
之惡矣而又巧排景榮何哉動人殺機而欲止

人之殺此必不得之勢也悲夫

吏科右給事中孫紹統沈給假回籍

吏部尙書崔景榮回籍

原任兵部侍郎李邦華御史李日宣吏部員外周順

昌林喬材俱削奪

以倪文煥叅之也有 旨李邦華東林高足而與

李三才給爲死黨同任李日宣狡計陰謀傾害善

類周順昌竊附東林營入吏部貪橫異常讐逐朱

童蒙不安其位厚結汪文言呼吸相通又與魏大

中構黨同盟逮過姑蘇畱連十日以女許婚日中
尙知有國法乎林枝橋改調署選惟賄是聞從子
林世堯私藏庵觀收銀賣官鑿有據都着削了
籍爲民當差仍追奪誥命內有賍私狼藉的還着
撫按提問追賍充餉其私創書院扁額雖去碑記
猶存着禮部卽時毀碎回奏以爲植黨聚徒之戒
該部院知道○文煥以責九門軍失璫意遂結崔
呈秀爲介紹投拜義子此疏其贊也內叅周順昌
賍私至壓沈數舟可謂良心死盡矣

御史李玄回籍

楊漣左光斗俱卒于獄仍行撫按嚴提家屬追比

野臣曰時主獄者許顯純也諸臣凡卒獄者其死甚慘蓋有不忍書者矣

太僕寺等官韓策汪先岸俱削奪

以袁鯨叅之也○鯨曾有疏叅王紹徽故逆案得漏

原任大學士韓爌削奪

以李魯生叅之也○爌負海內重望後崇禎二年

起用不幸與奴變會幾致不測然其處分逆案不能仰承 聖意天下猶有遺憾焉

原任尙書李三才等十五人已故追奪誥命見存者俱削奪

以石三畏叅之也內稱邪臣十五人爲李三才

顧憲成 王 圖 孫丕揚 曹于汴 胡忻

王元翰 王叔朴 湯兆京 王宗賢 趙南星

張問達 王允成 徐一棨 王象春 此以正

爲邪也又稱正臣十三人齊應甲 劉國縉

王紹徽 許弘綱 徐兆魁 丁賓 黃可威

李鉉 鄭繼芳 徐兆吉 韓浚 趙士諤

陳陞 此以邪爲正也

魏大中卒于獄

御史石三畏薦孫朝肅王行健章光岳王弘祖報可

以朝肅先爲魏光緒所叅行健曾爲王允成所叅

也

給事玄默薦韓元善王所用報可

八月

李朴于玉立贈官俱追奪

以安伸叅之也內稱邵輔忠首發巨奸巨奸者言
李三才也

翰林院編修侯恪回籍

以智鋌叅之爲魏大中姚希孟繆昌期死黨也

東林關中江右徽州書院俱行拆毀變價助工○原
任左都御史鄒元標追奪生前官爵誥命○原任尙
書孫慎行余懋衡馮從吾俱削奪○原任侍郎鄭三
俊畢懋良俱削奪

以張訥叅之也得 旨這都城書院改作忠臣祠
久已有旨會議如何至今尙未具覆其東林閔中
江右徽州一切書院俱着折毀暨田土房屋估價
變賣催解助工本內有名如鄒元標少負忠名由
山潦倒其身雖死已久然巨惡侯勢餘虐尙存着
削了籍追奪誥命外如孫慎行馮從吾余懋衡名
雖假乎理學行無異于市井或通關節而居之不
疑或躬窩主而覲然無恥甚至假仙惑世吞產謀
孤讀之令人髮指此三員都着削了籍爲民仍追

奪誥命鄭三俊畢懋良附羶逐穢合汚同流姑着
准冠帶閒住河東巡鹽御史既例不入陝爰以會
議而入糜費公私俟回道時都察院考覈示懲該
部知道○訥所指鹽臣李日宣也時劉徽巡鹽河
東大惧因出疏自明倒身事璫大獲寵幸云

袁化中卒于獄

光祿寺卿周延光降用南京太常寺卿蔡夢林致仕
以陳濬謨叅之也

高陽縣知縣唐紹堯遭戍

熊廷弼棄市

時二十五日也 諭內閣我 皇祖特起熊廷弼
于田間授以經畧賜以尙方錫之蟒玉寵極人臣
義當盡瘁乃廷弼欺朕卽位之初托病卸担薦袁
應泰而遼亾旣則剛愎不仁望風先逃而河西失
當是之時不知費國家幾百萬金錢喪軍民幾百
萬性命而後兵西蜀則西蜀變風聞山東則山東
亂至今黔中尙岌匕未寧斯其罪難以擢髮數迨
三尺莫逃百計鑽求其最甚者則有周朝瑞十日

四疏申救有顧大章妄爲罪屬可矜而又託奸徒
汪文言內接消息外入楊漣左光斗之幕囑令遺
書求解諸奸受賄動以萬千安問祖宗疆土法度
故朕深痛恨已將楊漣等置之于理頃八月二十
一日于文華殿日講畢卿等五員面獻刊行有像
遼東傳一冊出諸袖中合詞奏曰此能廷弼所以
掩飾誇功希圖脫罪朕親覽之豎髮切齒况屢經
言官郭興治門克新石三畏周洪謨等形于章疏
左丞加兩觀之誅庶大快萬民之憤卿等可卽傳

示刑部等衙門着便會官決了以爲人臣辱國偷
生罔上不忠之戒○先是忠賢出刊書一冊示閣
臣曰廷弼卽議處決閣臣商度日中不決黃立極
曰此不過夜半片紙卽可了當矣從之廷弼旣斬
函首九邊棄漏澤國

野臣曰熊廷弼之起撫遼東也時萬曆戊午簡
討丁紹軾有疏論之遂相失至丁方拜相而時
有是事于時論者皆謂熊之死丁爲之也然丁
則謂遼東傳寔馮銓所作其出諸袖者馮一人

也夫熊罪應死固矣要自有應得之律而加以
謀反誣以通賄借封疆一案以殺諸君子此寒
何故未幾丁亦暴卒而傳者遂有田蚡灌夫之
說事卽不足信狀亦異矣

周朝暗卒于獄

以薛三省爲吏部左侍郎

陪三省者駱從宇也

以王紹徽爲倉場總督

陪紹徽者薛鳳翔也

以王祚遠爲國子監祭酒

陪祚遠者曾楚卿也

周如盤字黃立極馮銓丁紹軾俱入閣辦事

時枚卜爲周如盤彭燮霄林堯俞黃立極駱從宇
薛三省馮銓錢龍錫丁紹軾李宗延奉 旨點用

其四而首輔則顧秉謙也秉謙見魏忠賢曾捻鬚
云欲自爲兒恨鬚已白因命其子拜爲孫忠賢賞
銀二百兩

野臣曰自涿州相而要典作黨籍戍士大夫之

禍遂不可解朕余嘗聞丁與馮勃溪之故矣丁
有家書予曾見之謂馮必欲刻黨人籍而輔臣
顧秉謙等皆以爲然丁爭之曰今得第者刻同
年錄其子孫猶相認數世若黨籍成是爲黨人
子孫作世譜矣事翻覆不可知我輩數人受奕
世不解之怨公不自計獨不爲子孫慮乎顧聞
而事寢今世傳者有天鑑錄東林點將諸書當
當時所爲黨籍想亦皆此類書雖未刻朕而京
倖之意固路人知之矣

以王紹徽爲都察院左都御史

紹徽撰東林點將錄與逆璫謀害諸君子

以徐大化爲左副都御史

凡魏璫一切殺人事皆徐導之自此後爲益橫矣

起蘇茂相爲南京刑部右侍郎

時吳崇禮亦起南京刑部尙書

朱一桂李養質德量加陞擢著詩教起鳳

以李嵩薦之也疏內并薦牟志夔

九月

御史吳之仁閒任

大理寺曹珍閒任

以潘士聞叅之也

戶部主事關先閒任

兵科給事中吳國華削奪

以其疏叅曹欽程也

原任侍郎孫居相及史記事俱削奪

以虞廷陞叅之也謂居相奉李三才爲盟主結史

記事爲死友

原任侍郎孫居相撫按提問原任撫梅之煥削奪
以陳序叅之也謂居相身賣東林賄賂節鉞楊漣
過麻城之煥與之盤桓流涕然楊赴遠時原未經
麻城也之煥素圖心東林者

原任巡撫楊鶴御史江秉謙夏之令俱削奪
以串通叅之也謂其皆薦歸廷隔者

總河侍郎南居益削奪

以黃承昊叅之也承昊素與居益遊竟忍操刃後
復同朝李邦華引承昊登門謝罪李承昊之座至

也

原任吏部尙書崔景榮削奪原任御史夏之令繼
達治戶部主事李孔度削奪中書吳之瑞吳世科俱
鎮撫究問

以倪文煥奏之也

顧大章卒于獄

大章之死寔楊維垣殺之而主謀者徐大化也大
化曾遣人求婚大章不應復從法司提下鎮撫斃
杖下

原任編修侯格給事中解學龍俱削奪

以智愛叅之也疏意出李思誠李解之母舅也

南京尙寶司卿傅宗舉閒任

原任兵部侍郎李瑾給事中劉懋俱削奪

以趙胤昌叅之也

原任大理寺少卿惠世揚緹騎連治將刑部鍛鍊楊

左諸疏宣付史館

以李養正覆審誣之也

兵部侍郎王國禎削奪

以李燦然參之也

原任兵部侍郎岳元聲削奪副使余新民知府陳子堯俱議處

以徐復陽參之也

大理寺正卿王佐閒住

以李思誠爲禮部左侍郎

陪思誠者來宗道也

以駱從宇爲禮部右侍郎

陪從宇者施鳳來也

以薛三省爲禮部尙書

陪三省者周炳謨也

以蘇茂相爲戶部侍郎總督漕運

工部給事中虞廷陞薦邵輔忠姚宗文元詩教趙興

邦何熊祥王承光徐必達陳陞何早錢象坤岳和聲

潘汝禎過廷許許弘綱王伉孫國禎李薏龍李徵儀

報可

疏稱李薏龍首緝汪文言之奸李徵儀同發于王

立之奸

御史張素養薦劉廷元姚宗文邵輔忠許弘綱報可
素養按浙江薦廷元等爲趙南星所劾降行人司
副再入台班復薦之

御史卓蓮薦姚宗文邵輔忠蘇琰奈合中林一桂報
可

琰一桂皆閩人也合中爲巡漕例轉以五百金賄
崔呈秀得復入台班

起邵輔忠爲順天府丞姚宗文爲太常寺少卿元詩
教爲吏科給事李徵儀爲湖廣道御史

以李嵩蔡國用薦之也

御史倪文煥薦邵輔忠劉廷元盧謙輟可

起吏科給事中趙興邦江西道御史牟志夔

閻鳴泰曹守勲劉澤浚俱下吏部酌用

以智鋌薦之也

十月

原任尙寶卿宗舉削奪

以王珙叅之也

兵部侍郎等官劉策陸完學楊一鵬朱世守俱削奪

以潘汝禎叅之也疏稱惠世揚之惡趙南星之奸
兵部主事徐日久削奪

原任巡撫梅之煥撫按提問原任太常寺少卿陳所
聞削奪

以梁克順叅之也

御史王雅量薦萬崇德孫國禎王伉徐從治報可

^疏丙并請焚李卓吾諸書

以李從心爲工部尙書總督河道

從心爲總河時有縣令魏廣德者廣德弟也每有

開說輒傳軍門鼓從心肅而迎之嘗一日三擊鼓云

以潘濬爲南京刑部侍郎

以高第爲遼東經畧

上宣第至文華殿賜蟒衣玉帶彩段裘銀四十兩先會推者爲王之臣王之丞閭鴻泰劉遵憲俱奉旨另推又推高第王在晉張鶴鳴文球乃用第

御史賈繼春薦謝啟光倪思輝鄒允厚李春燁史孔

吉李際明報可

以薛貞爲倉場總督

陪貞者扶克儉也後倉場火貞疏稱忠賢有救護
功大臣頌璫自貞始

以謝啟光爲左僉都御史

陪啟光者馮三元也啟光往來王紹徽馮銓之門
爲之傳語時稱紅娘寄柬

以王之采爲陝西總督

陪之采者劉貞憲也之采任總督建璫祠事敗乃

與史永安互疏推卸天下笑之

以王永光爲兵部尙書劉遵憲陞兵部左侍郎閻鳴泰升兵部右侍郎扶克儉升刑部左侍郎

克儉後謝歸以闕破家

以李思誠爲吏部右侍郎

陪思誠者徐兆魁也

黃儒炳改吏部左侍郎

儒炳貌瘠甚人有盧杞之號

以朱一桂爲刑部右侍郎

陪一桂者倪思蕙也

以許弘綱爲南京兵部尙書

陪弘綱者馮嘉會也

十一月

原任兵科給事中胡永順御史易應昌房可壯通判
歐陽勝俱削奪

以胡芳桂叅之也

翰林院編修陳子壯并其父吏科給事中陳熙昌俱
削奪

時欲以都垣予元詩教故逐陳而并及其子

揚州府知府劉鐸扭解來京

以錦衣衛緝獲妖僧本福扇頭有鐸詩謗訕時政也

大理寺丞張潑徐如翰俱削奪

以梁夢環叅之也

原任浙江巡撫劉可法吏部郎中唐暉俱削奪

以王時英叅之也

工部侍郎王維儉閒任尙寶司卿王孟震俱削奪

以田景新叅之也

副使陳鑑同知徐日升俱削奪

以彭參叅之也

兵部侍郎蕭近高原任刑部尙書等官喬允升馬之服俱閒任原任知州汪心淵等作速提問

以薛國觀叅之也

登萊巡撫武之望調用知州王國泰削奪

以袁鯨叅之也

太常寺少卿莊欽鄰太僕寺少卿孫之益俱削奪

以李恒茂奏之也

副使樊王家傳奪撫按提問

以吳殿邦奏之也

張慎言周宗建贓銀追完速

刑部病故囚犯疏奉 旨沈有瑞欠贓銀一萬七

千兩着行原籍查追伊子解部監比朕覽斯奏因

憶張慎言周宗建提問追贓奉 旨將近一載如

何不見遵行地方官好生違玩併着追完速解

劉志選二疏宣付史館

大畧爲紅丸一案翻案內稱首輔葉向高有無將之心宗伯孫慎行罪不容于死

孫杰陞大理寺左少卿

經畧高第薦田吉爲贊畫報可

唐世濟陞兵部左侍郎袁可立起兵部右侍郎可立爲御史李喬嵩等劾歸責緣復起

以史永安巡撫寧夏

野臣曰永安死守貴陽一年卒全其節時共稱之迨撫寧夏乃爲逆璫建祠此所謂簞食豆羹

不屑而受無禮義之萬鍾者也夫生死之際易
決而富貴之心難冷詎不信哉

十二月

太常寺少卿陳伯友大理寺丞蕭毅中俱削奪
以張樞叅之也

南京兵部侍郎郝名宦太僕寺少卿羅汝元俱削奪
以陳世倌叅之也

戶部侍郎董應舉兵部侍郎文球俱閒住
以徐揚先叅之也

原任左給事等官方有度馬夢禎韓萬象俱削奪

以王業浩叅之也

原任大理寺少卿韋蕃吏部郎中劉廷諫員外孫必顯俱削奪

以陳睿謨叅之也

原任太常寺少卿金世俊江西按察使米萬鍾山西叅議王繼謨俱削奪金世俊仍撫按提問

以倪文煥叅之也

原任太僕寺卿歐陽調律四川叅議翟學程俱削奪

原任禮部侍郎公鼐閒任

以葉有聲叅之也○有聲至崇禎時爲大理卿可
稱漏網

原任工部尙書沈儼外禮部侍郎周炳謨俱閒任
大理寺丞張廷拱削奪

以石三畏叅之也

太僕寺卿倪應春削奪

以何可及叅之也奉

旨與左光斗呼吸相通唯

趙南星指揮是聽

原任戶部侍郎董應舉大理寺卿曹珍兵科給事中
李遇知俱削奪其東林黨人着九卿科道查確集議
刊刻書榜示海內

盧承欽之疏也承欽旋客死時以爲有天道云
工部員外吳昌期削奪

以毛一鷺參其與吳懷賢私書往來訛訕朝政也
戶部主事李柱明着鎮撫司究問

以魏忠賢誣其盜米也柱明爲忤世揚門生世揚
逮入柱明頗差人問訊故以事陷之

原任吏部尙書趙南星遭戍

野臣曰舊制老疾納贖魏廣微恨南星不允嗟
乎白髮老臣荷戈天末後

今上御極復爲牟志夔指捺 恩詔卒死戍所天下
悲之

大理寺少卿吳之皞御史舒榮都鄭宗周工部員外
何顯宗俱削奪

以潘士聞叅之也

原任御史等官方大任方學周汪應高王弘誥俱削

奪大任仍令撫按提問

以王璘叅之也大任後與與楊維垣密而疏諛王
承光人皆笑之

應天府尹談自省給事中賴良佐主事張篤敬俱削
奪

以劉弘光叅之也

御史練國事李玄王祚昌霍鏌楊新期俱削奪

以趙興邦叅之也興邦切齒于練故起任卽勅之
○內有言薦楊維垣在光斗前小人叅黃克纘范濟

世諸君子等懷憤之令人口頰爲汚

南京戶部尙書周希聖御史趙延慶叅議蔣允儀俱
削奪

以蘇光泰之也

原任尙書趙秉忠副使劉芳削奪

以丘兆麟叅之也兆麟疏并追論楊左而快心于
其死

御史吳裕中廷杖削奪

裕中疏劾輔臣丁紹軾有 旨謂其爲熊廷弼報

復杖一百革職裕中竟以杖而死

吏部覆丁紹獻題堪任經畧邊撫邊道職方各官報
可

堪任經畧者爲王在晉張鶴鳴王之臣王之采閣
鳴泰堪任兵部侍郎者爲靳于中郭尙友張樸岳
和聲申用懋蔡復一堪任遼撫者爲王弘祖李栖
鳳袁崇煥石維屏堪任邊道者爲丘志克充楊邦憲
祁承燦陳陞韓元善胡平表

工科給事中楊所修薦曹欽程報可

吏科給事中元詩教薦徐紹吉韓浚趙士諤杜承式
祝耀祖張維任報可

疏稱紹吉浚士諤係丁巳胥察受小人之害者承
式耀祖惟任係癸亥胥察受小人之害者

野臣曰丁巳癸亥二察小人之反覆極矣而疏
稱受小人之害元韓之惡爲世指名豈偶也哉
御史曹谷薦洪啟初聶心湯報可

心湯查李三才盜皇木者

御史石三畏薦范濟世徐景濂楊維垣賈繼春報可

以王紹徽爲吏部尙書

陪紹徽者王永光周應秋李起元也

御史陳以瑞薦蔡獻臣齊琦名報可

以李嵩爲登萊巡撫

原推孫杰馮三元李春燁李嵩內 旨用嵩後建

逆祠于蓬萊閣極其誦美云

以曹爾禎爲山西巡撫

陪爾禎者張維樞也

以王尊德爲廣西巡撫

陪尊德者霍維華也尊德賁緣曹欽程遂得節鉞
起左通政使邵輔忠

陪輔忠者徐景濂也輔忠曾求黔撫不得益忿與
正人爲難幾殺毛士龍以倖免

野臣曰劉志選誣饌中宮之疏輔忠實愆忠焉
此皆宜正市朝之誅者也後逆案處分未盡其
辜天下忿之